


# 日本漢文學百家集

王焱 編

139



YSP

北京燕山出版社

王焱 主編

日本漢文學百家集  
139



北京燕山出版社

第一三九册

南郭先生文集 四編 十卷 補遺 一卷 服部南郭著 寶曆八年  
……  
一

南郭先生文集四編目錄

卷之一

七言古詩五首

五言律詩六十一首

五言排律六首

卷之二

七言律七十七首

卷之三

五言絕句三十五首

七言絕句九十二首

卷之四

序十一首

卷之五

序四首

卷之六

記四首

辯一首

說一首

南郭先生文集四編卷之一

平安

服元喬子遷著

男 雄仲英輯

七言古詩

望葛城山

葛城山上白雲邊，萬古千秋白日懸。  
云是昔人飛升路，只今何處覓神仙。  
連山東南赴大嶽，拱如群帝朝中天。  
往昔妖星薄北斗，元弘天子下殿走繚垣。  
南山建行宮，谿谷關門分隘守。  
曾是宸庭夢賚彌，維南有

木捧天日英雄心事兼精忠誰知管葛期儔匹紆帶  
崢嶸據葛城雲梯仰攻天下兵百萬傷敗不遑救應  
敵從來策轉明運移回復雖不就至今到處存功名  
當年順逆今安在望浮雲共變態行人回首入須  
臾古今天地君休慨君不見小角仙人拊髀遊白雲  
空駐葛城頭

新帥松前公見貽能皮古鎗幾死散人年六

十四自譎作歌

新帥公分自松前舊封遙受北海邊赤豹黃羆出貂

夷顧憐野老，貽熊皮猛獸之威存。形質黑雜金毫，色竒丈夫寢處稱服。猛藉來茸茸如草披，心神未死委頓甚。白頭顧眄唯自嗤，公舊物螺鈿鎗室。双收藏赤電光，兼持户内雷霆仗。重來投余，助顛狂傍人。但笑爲豪具，那知得趣物。相忘支遁養馬爲神駿，淵明蓄琴遺宮商。人間七十古來稀，晨光倏忽在熹微。伯玉當年六十化，幾死到今不知非。側柱脫冠謝豎儒，猶向高陽愛酒徒。儻有鼓刀屠肆客，醉後憐我老狂愚。

豹隱公子見貽白松作歌爲謝

逸群公子好竒事，超然長嘯高游志。傲睨久拌天地  
間，何況中山魏闕思。昔時體忤謝豪華，但從方外求  
神秘。寄身聊家江海隈，近指蓬萊紫雲臺。儵然發興  
咄嗟，裏客槎蠻舶供驅催。不難剖蚌探珠至，更見支  
機載石來。有人斂衿跪致辭，曾盡三山窮海涯。瑰琦  
磊磊金銀闕，瓊華瑤州任攜持。乃遇仙人一乞得，爲  
君聊奉松樹奇。千年長想瀛壺迹，果見神仙物盡白。  
誰知公子推愛深，投我專來無所惜。齋前封殖塵埃

絕清標不改四時節春枝楚楚帶輕霜夏鬣參參垂  
屑雪絲髮老人爭白頭且似坐附列真遊堪笑秦皇  
漢帝無仙骨空爾驅石勞無望海流

余問管道伯疾主人曰疇昔有夢遊蓬萊願  
子爲我賦之語且詳矣余乃執筆爲歌其事

吾黨管生字道伯得疾七日臥枕席問之寤來向吾  
言恍然有夢在疇夕純陽真人揖我來引我欲令觀  
蓬萊執袂飄然若有赴忽到滄海紫雲臺洞門陰陰  
長朱艸更入物物皆白堆銀樓金閣眩人目玉廊瑤

階轉徘徊群仙何處聞寂寂一隔人間且忘回真人  
說我汝今去他時當復此處來神遊即今遽然寤請  
子何不爲我賦昔人病裏夢鈞天興霸起家皆有先  
天報仁術見吉兆那知非帝錫延年君自平生施救  
藥固當海外伴群仙主人強起謝千萬一得君辭適  
我願病來今日頓爽然縱是夕死無所恨

齋中四壁自画山水戲作臥遊歌

性僻生來甘自棄功名富貴非吾事壯年壯心好漫  
遊匏繫一方不得遂晚歲頗遜尚平家豈料隨年老

亦至一骸瘦羸骨空存一心灰滅無生意四支百體  
與疾俱名山無分於我已神想不須勞赤腳夢魂東  
遊窺大壑况復區中五嶽期鴻蒙拊髀可爵躍奮然  
起掃四壁圖水墨雲煙隨筆落梁上峯連縣鬱蔥障  
間江激搖崖岬尺樹丈山縮地生林密泉石秋漠漠  
自造迹踈癡自慚寫罷何妨供獨樂吾今咫尺學壺  
公別闢乾坤容此躬病臥醉臥唯能睡夢遊上下坐  
無窮鯨吼雷鳴大鼙響呼吸從來帝座通山靈海若  
應驚走崑崙西極扶桑東只任爲雲復爲雨北窻五

月歸清風遠尔乃知物化理偃然猶寢一室中

五言律

薩埵眺望

避潮開海驛懸路入山行顧步層崖斷隨看積水生  
境連江勢豁雪近嶽邊明奇絕忘辛苦聊堪償勝情

青楓亭詩并引

楓一樹已枝葉異種生入手接封殖有年既合  
抱矣主人亭于其側日對大杯自賞亦延客賞  
賞率有觀發新之時江士瑤太公家也

玉樹芝蘭外，階楓且照家。  
青蔥潤嫩葉，紅紫奪穠花。  
佳色春秋富，盤根歲月遐。  
主人千石酒，對此不須賒。

石山覽古

石欹留寶地，閣迥接湖天。  
今古唯餘色，江山復幾年。  
金閨諸彥語，彤管美人傳。  
名跡空相照，長教水月懸。

歷三雄山

行入三摩地，連山各占雄。  
歲年存古寺，神鬼護靈宮。  
門徑清相似，溪流隔且通。  
深秋千樹色，空觀倚青楓。

宿鞍馬山示同遊諸子

澗戶鞍山夕偶投丘壑看枕流鳴石急臥席近雲寒  
更問風塵遠無嫌道路難明朝謀出處不必向長安

西遊雜詩二首

上國多奇勝中途坐滯淫逐行名嶽出企望大江深  
遲暮浮湘志蹉跎小魯心壯遊違夙昔悔恨到于今  
西嶽嵯峨地荒臺訪帝丘捨身歸佛教問道憶仙遊  
山色藏龍澤壑前虛鷁舟華封千歲後處處白雲愁

守山岡大夫六十壽詩

大夫堅柱石誰似老成餘魯國朋三壽周詩協九如

舞筵群彩服，觴席滿嘉魚。共樂綏君子，頌聲知不虛。

春雨集豹隱亭得衣字

主人稱豹隱，煙霧自霏霏。亭雨和全細，林花靜未飛。  
興深春酒熟，坐久世塵稀。客魏公子無嫌接，布衣

東山矢田君從王駕朝西京賦此餞送

上路從王駕，大夫行不勞。西征堪作賦，東顧本登  
高宮闕多文物，雲霄試彩毫。朝陽儀衛日，共指鳳凰

毛

送藤萬祐遊東奧

東奧多奇跡，斯遊良壯哉。名山開石室，滄海上仙臺。  
禹穴探書去，秦舟求藥回。行裝輕萬里，羨爾勝情才。

尾藩致仕大夫北海君閑居數年賦寄問之

令尹讓新政，莊園愛夙心。名山開畫壁，流水入彈琴。

長聽棲禽哢，更成嘉樹陰。不知蒿徑色，歲月許多深。

酬長州蘭陵君見寄兼有新刻墨帖文房諸

具之貽

無恙平原飲，知兼文會開。詩書元尚友，賓客況多才。

展墨驪龍動，飛翰彩鳳來。欣君尋舊事，白首為重回。